



## **Universitätsbibliothek Paderborn**

**Talio, Sev Metiens Et Remetiens Mensvra**

**Stengel, Georg**

**Ingolstadij, 1650**

§. 15. Iudæi, qui sanguinem Chisti emerunt, lachrymas suas emere coacti.

[urn:nbn:de:hbz:466:1-52346](#)

§. XV.

*Iudei, quis sanguinem Christi emerunt, lachry-  
mas suas emere coacti.*

His malis affecti Iudæi, ut saltem lacry-  
mis, quod aliunde non possent, solamen ali-  
quod inuenirent, consuevère, anniversaria  
die, persoluto tamen pretio (cùm aliter  
non liceret) ea adire loca, lachrymas  
fundere, & miserè lamentari. Usque ad

S. Hiero- præsentem diem, ait S. Hieronymus, per-  
nym. in di coloni, post interfectionem seruorum, & ad  
Sophon. extremum Filij Dei, excepto planctu, prohiben-  
cap. 1. tur ingredi Hierusalem: & ut ruinam sua cu-  
flere liceat cœnitatis, pretio redimunt: ut qui

quondam emerant sanguinem Christi, emant  
lachrymas suas. Videas in die, quo capta est  
Romanis, & diruta Hierusalem, venire popu-  
lum lugubrem, confluere decrepitas mulierem-  
las, & senes pannis annisq; obitos, & in corpo-  
ribus, & in habitu suo iram Domini demon-  
strantes. Congregatur turba miserorum, &  
patibulo Domini coruscante, ac radiante iu-  
sæcæ eius, de Oliueti monte quoque crucis ful-  
gente vexillo, plangere ruinas templi sui popu-  
lum miserrimum, & tamen non esse miserabilem.

Ad hunc

Adhuc fletus in genis, & linda brachia, &  
sparsi crines, & miles mercedem postulat, ut il-  
lis flere plus liceat. Et dubitat aliquis, cum haec  
videat, de die tribulationis & angustie, de die  
calamitatis & miseria, de die tenebrarum &  
caliginis, de die nebula & turbinis, de die tuba  
& clangoris? Habent enim & in luctu tubas;  
& iuxta prophetiam, vox solennitatis versae est  
in planctum. Ululant super cineres sanctuarij,  
& super altare destructum, & super ciuitates  
quondam manitas, & super excelsos quondam  
angulos templi, de quibus quondam Iacobum  
fratrem Domini præcipitauerunt. Talibus la-  
chrymis & lamentis luerunt Iudæi, qui  
caussa fuerunt, ut non solum Petrus fleret  
amarè, sed etiam Dei Mater, & quotquot  
à cruce reuertebantur pectora sua percuti-  
entes. Itē Iudæi, & Christum, & Matrem  
Christi, & Apostolos, & omnes pios iube-  
te plorare. Qua mensura mensi fueritis, reme-  
tetur vobis. Itē & vos, frigidi Christiani, Matth. 7.  
qui viduis, qui pupillis, qui egentibus la-  
chrymas duritiâ vestrâ excutitis; veniet &  
vobis tempus flendi, gemendi, lamentandi;  
ut eamdem mensuram experiamini, quam  
vos alijs adhibuistis.